



OPĆINA KAKANJ

Općinski načelnik

Broj: 02/1- 740 /18

Datum: 08.02. 2018. godine

MUNICIPALITY OF KAKANJ

Municipality Mayor

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14 i 47/14), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), Rješenja o imenovanju Komisija za nabavke za 2017. godinu, broj: 02/1-166/17 od 18.01.2017. godine, na preporuku Komisije za javnu nabavku konstatovane u Zapisniku o pregledu i ocjeni ponuda, broj: 08/1-14-5179-3/17 od 06.02.2018. godine, u otvorenom postupku nabavke - fizička zaštita i usluge pružanja dojavnooperativnog centra za potrebe Općine Kakanj, Općinski načelnik kao Ugovorni organ,

d o n o s i

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 08/1-14-5179-3/17 od 06.02.2018. godine i ugovor za nabavku usluge - fizička zaštita i usluge pružanja dojavnooperativnog centra za potrebe Općine Kakanj, dodjeljuje se ponuđaču Agencija za zaštitu ljudi i imovine A.E. SIGURNOST d.o.o. Zenica, ponuda broj: 02-01-20/18 od 12.01.2018. godine, za ponuđenu cijenu od 12.861,72 KM bez PDV-a, odnosno 15.048,20 KM sa uračunatim PDV-om, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču, po proteku roka od 10 dana, od donošenja ove odluke.

Član 3.

Za izvršenje ove odluke zadužuje se i ovlašćuje Služba za opću upravu, radne i zajedničke poslove, lokalnu samoupravu i mjesne zajednice i Komisija za javne nabavke Općine Kakanj.

Član 4.

Ova odluka objavit će se na web-stranici Općine Kakanj, (www.kakanj.gov.ba), istovremeno s upućivanjem ponuđačima koji su učestvovali u postupku javne nabavke.

Član 5.

Ova odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka javne nabavke usluge - fizička zaštita i usluge pružanja dojavnooperativnog centra za potrebe Općine Kakanj, broj: 02/1-7993/17 od 22.12.2017. godine, Komisija je provela otvoreni postupak javne nabavke, broj: 02/1-8051/17 od 22.12.2017. godine.

Broj Obavještenja sa portala javnih nabavki: 792-1-2-32-3-28/17 od 25.12.2017. godine.

Obavještenje u „Službenom glasniku BiH“, broj:1/18 od 05.01.2018. godine.

Procijenjena vrijednost javne nabavke je 21.367,00 KM bez PDV-a.

Nakon isteka roka za dostavljanje ponuda evidentirano je da su svoje ponude dostavili sljedeći ponuđači:

r/b	Ponuđač	Cijena ponude bez PDV-a
1.	SECTOR SECURITY d.o.o. Banja Luka	21.264,00 KM
2.	Agencija za fizičku i tehničku zaštitu ljudi i imovine CONDOR d.o.o. Zenica	19.641,60 KM
3.	Agencija za zaštitu ljudi i imovine A.E. SIGURNOST d.o.o. Zenica	12.864,12 KM
4.	Agencija za zaštitu ljudi i imovine SWORD SECURITY d.o.o. Sarajevo	18.266,40 KM

Nakon što je Komisija izvršila analizu dokumentacije pristiglih ponuda u smislu ispunjavanja uslova iz tenderske dokumentacije, utvrđeno je sljedeće:

- Ponuda ponuđača SECTOR SECURITY d.o.o. Banja Luka, ne ispunjava uslove iz razloga što u ponudi nije dostavio Nacrt ugovora sa upisanim svim podacima i detaljima kako je traženo (poglavlje d) tačka 1.g) i 10. tenderske dokumentacije), te se ista odbacuje kao neuredna.
 - Ponuda ponuđača Agencije za fizičku i tehničku zaštitu ljudi i imovine CONDOR d.o.o. Zenica ne ispunjava uslove iz razloga što nije propisno popunio Obrazac za cijenu ponude (Aneks 3), na način da je upisao cijenu 0,00 KM, u tački 2. „Tehnička zaštita zgrade Općine Kakanj“.
- U poglavlju d) tačkom 4) propisan je „način određivanja cijene ponude“, kojim je traženo da ponuđači dostave popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena. U Obrascu za cijenu ponude pod tačkom 1. Napomene je navedeno sljedeće: „Cijene moraju biti izražene u KM. Za svaku stavku u ponudi mora se navesti cijena“.

Uvidom u ponudu ponuđača utvrđeno je da je ponuđač u tački 2 „Tehnička zaštita zgrade Općine Kakanj“ upisao iznos od 0,00 KM, te samim tim nije ispoštovao ovaj decidno naveden zahtjev od strane Ugovornog organa, te se ponuda odbacuje kao neuredna.

Analizirajući navedeno Ugovorni organ je cijenio i praksu kod Ureda za razmatranje žalbi BiH. Rješenje broj: UP2-01-07.1-368-7/15 od 13.05.2015. godine.

- Cijena Ponude ponuđača Agencija za zaštitu ljudi i imovine A.E. SIGURNOST d.o.o. Zenica je za 30% niža od drugorangirane prihvatljive ponude.

Obzirom na navedeno Ugovorni organ je aktom broj: 08/1-14-5179-1/17 od 18.01.2018. godine, od ponuđača tražio objašnjenja cijene ponude, obavezno ih poredeći sa važećim cijenama na tržištu, te procijenjene vrijednosti nabavke Ugovornog organa, uz detaljne informacije o bitnim sastavnim elementima ponude, uključujući elemente cijene, odnosno razloge za ponuđenu cijenu, posebno uzimajući u obzir ekonomičnost pruženih usluga, izabrana tehnička rješenja za pružanje usluga, originalnost usluga koje je ponuđač ponudio, te usklađenost sa važećim odredbama koje se odnose na radnu zaštitu i uslove rada na mjestu gdje se pruža usluga, a sve shodno članu 66. Zakona.

Ponuđač A.E. SIGURNOST d.o.o. Zenica, dostavio je Pojašnjenje neprirodno niske cijene, broj: 02-01-38-1/18 od 22.01.2018. godine, koje je prihvatljivo Ugovornom organu.

Daljnjom analizom ponude ponuđača A.E. SIGURNOST d.o.o. Zenica, Komisija je utvrdila postojanje računске greške u Ponudi, u smislu da je na Obrascu za cijenu ponude, broj: 02-01-20/18 od 12.01.2018. godine, st. 8 Ponude, pod rednim brojem 2. „Jedinična cijena (jedan dan) ponuđena u ponudi, pomnožena sa brojem dana (30 dana) ne odgovara ukupnoj cijeni bez PDV za period od 12 mjeseci“.

U izračunu ukupne cijene bez PDV-a na bazi 1 dana pomnoženo sa 30 dana $1,66 \times 30 = 50,00 \text{ KM} \times 12 = 600,00 \text{ KM}$, a ispravno bi bilo $1,66 \times 30 = 49,80 \text{ KM} \times 12 = 597,60 \text{ KM}$.

Primjenjujući pravila utvrđena u tenderskoj dokumentaciji, ustanovljeno je da je stvarni iznos Ponude, pod rednim brojem 2. iznosi 597,60 KM, umjesto 600,00 KM, kako je navedeno u Ponudi.

Ukupna cijena Ponude uzimajući zbir traženih usluga pod 1. i 2. bez uračunatog PDV-a, iznosila bi 12.861,72 KM.

Ponuđač A.E. SIGURNOST d.o.o. Zenica, aktom broj: 02-01-38/18 od 22.01.2018. godine dostavio je potvrdu ispravke računске greške, te odobrava ispravku računске greške u obrascu za cijenu ponude i da je konačna ponuđena cijena 12.861,72 KM bez PDV-a.

U ostalim zahtjevima Ugovornog organa Ponuda ponuđača A.E. SIGURNOST d.o.o. Zenica, ispunjava uslove za kvalifikaciju.

- Uvidom u priloženu dokumentaciju i suštinskom provjerom sadržaja i validnosti dokumentacije ponude ponuđača SWORD SECURITY D.O.O Sarajevo, Komisija je utvrdila postojanje računске greške u Ponudi, u smislu da je na Obrascu za cijenu ponude, broj: 0081/P-01/18 od 11.01.2018. godine, st. 6/66, pod rednim brojem 1. „Jedinična cijena (jedan radni sat) ponuđena u ponudi, pomnožena sa brojem radnih sati dnevno (9,5 – odnosno 9 sati i 30 minuta), ne odgovara ukupnoj cijeni bez PDV na bazi 22 radna dana mjesečno“, te je zatražena ispravka računске greške.

Primjenjujući pravila utvrđena u tenderskoj dokumentaciji, ustanovljeno je primjenom računskih operacija da je stvarni iznos Ponude ponuđača, pod rednim brojem 1. iznosi 17.556,00 KM, umjesto 17.186,40 KM, kako je navedeno u Ponudi.



Ukupna cijena Ponude uzimajući zbir traženih usluga pod 1. i 2. bez uračunatog PDV-a, iznosila bi 18.636,00 KM.

Ponudač SWORD SECURITY D.O.O Sarajevo, aktom broj:0181/D-01/18 od 23.01.2018. godine dao je odobrenje ispravke računске greške koja je računске prirode te se slaže da je konačna ponuđena cijena 18.636,00 KM bez PDV-a. U ostalim zahtjevima Ugovornog organa Ponuda ponuđača SWORD SECURITY d.o.o. Sarajevo, ispunjava uslove za kvalifikaciju.

Obzirom da je Ugovorni organ predvidio provođenje e-aukcije za konkretni postupak nabavke, e-aukcija je zakazana na Portalu javnih nabavki za dan 05.02.2018. godine u 11,00 sati u trajanju od 10 minuta. Na e-aukciji nije bilo podnošenja ponuda, tako da je konačna rang lista shodno utvrđenom kriteriju: "**najniža cijena**", ponuđača slijedeća:

r/b	Ponuđač	Cijena ponude bez PDV-a
1.	Agencija za zaštitu ljudi i imovine A.E. SIGURNOST d.o.o. Zenica	12.861,72 KM
2.	Agencija za zaštitu ljudi i imovine SWORD SECURITY d.o.o. Sarajevo	18.636,00 KM

Komisija konstatuje da ponuda ponuđača A.E. SIGURNOST d.o.o. Zenica u potpunosti ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno pravno prihvatljiva.

Data je preporuka Ugovornom organu da se u predmetnom postupku nabavke usluge – fizička zaštita i usluge pružanja dojavnooperativnog centra za potrebe Općine Kakanj, izvrši dodjela ugovora navedenom ponuđaču, čija ukupna cijena ponude je 12.861,72 KM bez PDV-a, odnosno 15.048,20 KM sa uračunatim PDV-om.


Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 dana od dana prijema ove odluke, u skladu sa članom 99. i 101. stav 1., Zakona o javnim nabavkama BiH.

DOSTAVITI:

1. Svim ponuđačima u postupku nabavke
2. Komisiji za javne nabavke
3. Služba za opću upravu, radne i zajedničke poslove, lokalnu samoupravu i mjesne zajednice
4. U spis
5. A/a



OPĆINSKI NAČELNIK

Nermin Mandra